

丹

崖

集

息未藁序

洪武甲寅之冬會稽唐丹崖卒于濠明年春其子  
之淳將累骨歸附先人墓左持所著文集來請曰  
先君不幸歿於謫所不肖孤遠遑二千里外不得  
跪床下受遺訓獨手澤尚存罔敢逸墜先君留濠  
凡十有六月若詩若文率為好事者持去其筆于  
藁者十才二三應訪於交遊間得輒錄于藁共若  
千首先君於先生辱知最厚幸為文序其端庶以  
圖於不朽也予執其藁而泣曰吾忍叙吾先友之  
文耶且丹崖之文不待吾序而傳然重之得請不

敢辭予憶與丹崖會

締文字亦庭俱少壯可

喜時之淳方十餘歲侍父則聽議論王雪楚是真  
唐家千里駒也予固期其有立矣時丹崖方以舉  
子業戰勝鄉闈有聲薦紳間一朝慨然曰士君子  
功業不著于時則為文章以見志聲律記誦之學  
求合於主司不足以傳後乃肆為古文本之於經  
輔以史漢而博之以諸子百氏所有既富申紙下  
筆如水湧山出一揮輒數百十字然後削冗長為  
精切變熟腐為奇偉尖新纖麗無有也梗戟艱澁  
無有也而文之能事畢矣先是近臣薦為應奉翰

林文字時臨川危公金華采公皆當世名能文者  
少所許可獨於丹崖則亟稱重焉然其在  
朝乏文固足以黼黻

皇猷潤色

鴻業而或俯徇時宜復有不能究其才者及譎耕  
于濠乃能弄文墨自慰以忘其憂放言高論馳騁  
上下感事觸物一見乎辭如風檣陣馬快意適情  
冒風濤歷坡坂極其所詣而卒趣於安流坦道而  
後已平日所得於心而不能自己者皆於是而發  
焉昔柳儀曹之於永蘓內翰之於黃皆屏居遐陬

宜其鬱抑無聊不暇攻為文詞而其後天下傳誦  
其美者乃多於譴斥憂患之日而不在乎榮盛逸  
樂之時也丹崖之來受田二十畝歲比不登無所  
以食每為文以應人之求得其文者往往餉遺以  
資其匱因自歎曰吾土田之來有息而紙田之來  
不可息也口誦心惟日不釋手卒以文名于時嗚  
呼天將昌其文而乃困其身耶而又不假以年使  
得終遂其志何耶丹崖已矣欲求其志者不於其  
文而奚適乎故之淳於片言隻辭必綴緝寶藏而  
不敢遺也之淳能世其家丹崖為不死矣是為序

洪武八年歲在乙卯二月既望吳郡申屠衡謹序  
時留鍾離之瞿相山也

丹崖集卷之一

會稽唐肅處敬著

賦

陳立炎

雲臺賦

叙曰永平三年上恩中興功臣詔圖畫高密侯禹以  
下二十八人于南宮雲臺又詔王常等四人亦與列  
焉蓋彰先帝興復之決業報諸將佐命之茂勲也臣  
備職文臣獲目盛典敢敷揚國家之休美作賦以頌  
其詞曰

惟我大漢之中興也世祖光武受命南陽天祐聖皇

爲生俊良偉四士之協運紛列宿之揚光風驅九縣  
電掃八荒噓矣精於既泯綴皇綱於已亡信乾坤之  
再造耿日月之重光於是超河跨嶽定都東洛闢百  
王之荒屯紹天地之創作念鄴侯示威之語法高皇  
貽後之畧禁藥既森館榭斯拓紛輪輿之相連壯京  
畿之弘廓寔有雲臺峙於南宮層構百思飛甍九重  
干雲霄而聳起據厚地而莫窮岌業岌岌削劣穹隆  
遠而望之若巨鼇之戴峰燁煌翕赭璀璨腫臙近而  
察之若大鵬之運風尔迺厝華表周禁掖排金鋪陟  
丹級躡天路以上征駕颯岡而止息忽儻闔以神驚



俄眩耀以精惑其壯麗則雄梁駕空飛宇成虹  
疏泊越以龍垂藻井纏綴而霞融阿閣結搏桑之暇旋  
室包廣漠之風文櫨落白間玲瓏流景周章晃光  
內冲其高峻則造閭闔陵紫微接文昌之上宮連庫  
樓之下閭帝居度景華蓋垂輝流河漢於廉隅宿星  
辰於戶扉祥雲覆其端瑞靄散其隅溢氛埃於下土  
叅寥泝而無依斯嘉名之攸錫表崇重之莫齊邁通  
天之舊制陋蹕瞻之故儀遙將時觀遊以安玉體節  
勞佚而恬聖思非窮奢而極侈寔經久之良規迨夫  
原陵既成聖皇踐位懷先業之有在慮洪勛之罔示

既尊饗乎嚴考復慨思乎群父或攀龍以既選或食  
土而猶貴皆戮力王室翊佐宗社助成大業功高節  
偉雖旂常著名尚乎古典鼎彝勒辭見乎往史慮旌  
報之未數期昭著於無已追惟西都孝宣之世圖麒麟  
之傑閣報股肱之休美不於焉而取法亦奚訓乎  
後嗣於是勅有司集繪工即斯臺之雄壯寫丹青之  
肖容乃曰鄧禹勤勞維汝首建大謀協我不緒嘉厥  
蹟之孔懋冠群賢而莫伍維漢與光全師歸土維霸  
與俊摧莽之旅恂守河內運餉有度鐔討盧奴尅期  
而取好時還定於齊涿陽夏安集於三輔恭遽奏鴈

門之捷金椒復江淮之宇岑彭破述樓船西下祭遵  
邳彤之贊計朱佑蓋延之効死曰萬曰景曰劉曰李  
河北邯鄲咸有可紀先登深入有若賈鮑陷陣褰旗  
寔爲宮武至若王常率衆以來輔李通効力以佐兵  
竇融之慕義保民卓茂之治邑有聲是非一時之令  
器蓋世之庸勛雲以龍興風以虎從或周召之衆德  
或方虎之齊功躋吾君於湯武之聖軼期世於高宣  
之隆宜乎表著乎姓氏貌寫其英風煥弁冕以相輝  
森劔佩之青葱進四臣以就列溥恩寵之大同隱焉  
援而不與表宅心之至公將俾聖子神孫紹圖繼曆

知祖業之艱難思守保之靡忒司于成者亮選手多才處廟堂者允擇夫有德扶扶五朝濟濟列職亦復慕効而希思想像而作式信聖皇之制作寔萬世之準極豈徒侈夫衮繡之文章棟宇之赫奕忘垂訓之大義擅一時之華飾哉亂曰

赤符應期白水龍飛興皇基兮列宿降靈揚光輝精翊聖明兮惟聖繼聖重熙累盛思佐命兮煌煌曾宮丹青厥容表勛崇兮翼翼中興天開日月慶君臣兮匪君弗食匪臣弗入訓後世子猗我帝室千禩萬曆與天則兮

底柱賦

按底柱在冀州大河中流禹導河自積石至于龍門  
南至于華陰又東至于底柱然後至孟津迺洛納而  
復北折焉蓋河自龍門既決以來奔騰迅快勢不可  
遏至是而齟齬之乃分爲四流貫于三門之下然後  
力殺而行緩故酈氏水經謂底柱與龍門皆禹所疏  
鑿也昔蘇子瞻賦濫潁堆以爲蜀江會百水而至于  
夔瀾漫漶瀚橫放大野而峽之小大曾不計其什一  
苟無是堆則瞿唐之險當不啻此予謂底柱之功亦  
有類於濫潁者故述而賦之賦曰

黃河之流西來數千里兮貫長城而南馳激龍門之  
險阨兮霆奔電馳氣洶湧而莫支厯華陰而徑趨兮  
乃折流而東下勢若萬騎銜枚而疾走兮將悉鋒盡  
銳鏖戰於平野何底柱之崔巍卒律兮獨擬立乎中  
流嚴一夫之當關兮強兵悍卒睥睨退縮不敢運其  
戈矛惟崇密伯子之數土兮導泮洞而平之鑿茲山以  
䟽洩兮剖三門之欽巖然後洪波巨浪齟齬而不騁  
兮分流折派間度以逶迤指孟津而逾洛汭兮遂東  
極于大邳苟非是以中梗兮曷以殺天吳水伯之淫  
威予嘗駕方舟而遠求古蹟兮誓將豁心胸於浩蕩

過黃老之神祠兮遡蝦石之決瀆睇連天之脩楹兮  
干雲霄而直上濁波汨汨包其下兮顯神功於俯仰  
使昔懷襄之莫救兮匯四海為一區上巢下窟之赤  
子兮殆皆戰以為魚覓斯險而慨嘆兮雖天造而地  
設微玄聖之大智兮孰能成夫萬世之烈彼蜀江之  
瀦瀦兮羌地勢之所同誦金聲於詹叟兮信物理安  
危之所從噫吁嚱世道降兮風移而俗媮頽波汗漫  
兮忌剛而茹柔魚蝦鼓舞兮蛟龍鬱怒豈無吾人之  
底柱兮障百川之橫流

日觀賦

漢征和之四年帝親畊鉅定返駕泰山封禪既畢還  
朝甘泉於是東方大夫上千萬壽已而言曰臣等昨  
奉國家告成岱宗因得覽觀于巖之東臣詢其名是  
曰日觀其高莫窮上薄雲漢當霄分之未幾瞰蒼溟  
之有爛浴初日於咸池詫人世之未旦蓋茲歲之華  
精而天下之奇玩也帝曰嘻若是則高矣極矣大矣  
特矣壯矣赤矣駭矣惑矣子能抽秘思騁妍詞想像  
仿佛為予賦之乎大夫乃置觴肅衽脩辭而對曰臣  
聞玄黃肇分清濁殊位玄精峙結限隔風氣山惟岳  
尊岳惟東最矧斯巖之高出冥冥隅而特異東介丘



之近連西石門之迴對眺壇之不遙俯天關之猶  
墜緣絙道之百盤猶可仰而未至其為體也欽峯前  
劣截崇岩堯若鏹五丁若戴六鰲矗乾運而莫極鎮  
坤維而不搖孰計其延廣何孰測其崇高雲烟在  
下羲娥可招宿星辰於蕪隅吐風雨於巖叢飛猱之  
臂不得而陟巨鵬之翼不能以超蓋將吞西華墜南  
衡駕中高軼北恒微九河其綫委小七澤其括盈彼  
玉屋太行終南五老岷嶓鴈蕩之秀拔天台會稽之  
奇峭不啻埤阜之爭雄培塿之呈巧斯俊偉以絕倫  
諒形容之莫表若乃夜氣正寂陰魄既淪萬籟絕響

六合同登悄悄漏刻之既平忽靈鷄之一鳴睇東方之  
漸豁窺赤曜之上騰丹轂微露頰盤欲呈駿鳥刷翮  
以翬飛燭龍銜光而迅征走神丹於寶鼎擁玉帳於  
金鉦爾其吐陽谷拂搏素沸鯨波蕩洪荒負規閃爍  
以上下列彩絢爛而周章一沐而水府為之震搖再  
頽而蛟龍為之道藏淪重光而益晃滌五色而逾光  
赤絕璀璨矍矍燁煌勢將歷九阿以朏明越曹素而  
載驤當是時也九州未明萬國猶晦群動尚戢衆衆  
莫會匪是山之獨高曷斯觀之為快宜命名之有義  
昭靈異於紀載且臣聞日者衆陽之宗大君之象出

入以時所多靡棄故能燭萬物而發生齊天地而彌  
朗况居至高者見理於未形據大上者觀下於至深  
彼處庫而混濁孰先睹夫大明故臣願於國家陳焉  
帝聞之曰善哉大夫之辭信覽物足以知道因寓目  
可以契心故宣尼有小魯之歎孟軻示觀濶之箴苟  
惟遊觀之是樂夫豈聖哲之所任乃喜而賦日觀之  
詩曰

日觀穹隆太山東兮未曙而日覽陽德兮居高察卑  
我其幾兮由閤處側豈入極兮大夫乃賡歌曰帝出  
震兮東方破魯陰兮真玄蒼登日觀兮民樂康帝之

德兮如陵如岡歆竟天顏悅怡聖衷攸啓悟至道之  
昭晰念前行之或昧乃詔郡國詢政理培一德以隆  
基明四聰以廣視收遠討之疲兵罷求仙之淫祀大  
開明堂垂拱而治

石田賦

鶴齋薛真人爲予言丹山赤水之勝且曰有毛尊師  
者嘗脩道洞左所謂石田山房其居也今尊師仙去  
矣吾亦將還江湖之事託石田曰休吾子能賦之  
否乎賦曰

彼石伊何維山之骨彼田伊何土爰稼穡石匪田有

有則弗滋稼匪石藝藝則恒飢吁嗟道人疇田不食  
不田于土而田于石道人曰噫爾弗我契假物喻心  
厥理則懿石匪彼田我志之堅田匪彼田靈根所蟠  
根其蟠矣綿綿不息於中夜存有苗孔碩巽風照之  
離日烜之坤以培之坎以灌之時至氣充內精外赤  
人昧其初我獲其實彼蠢者氓口食是競舍己芸人  
卒餒以病吁嗟先生與造物儔不畊而肥不廩而周  
遺我耒耜舍我畱畬往從先生石田之區

雲松巢賦為童道士作

歸墟之西弱水東兮中有神仙鬱蔥龍兮五雲被覆

爛重重兮貞松萬歲蟠虬龍兮山有仙叟顏如童兮  
身馭皓鸛乘颶風兮雲爲屏垣松作宮兮儵出忽入  
元無踪兮誰有睹之相追從兮有一道士冰雪容兮  
執其中櫛示此翁兮竊聞至道發鄴家兮采鍊五石  
驅三蟲兮神清志一造化通兮適遊人間玩蟻蜂兮  
思巢雲松孰與同兮我願友之釋樊籠兮吸餐露霞  
息庵中兮出招安期友赤松兮後天不老超鴻濛兮

竹齋賦

植蒙籠之貞篠陰便娟之靜居捐塵紛而弗領耽蕭  
閒以自娛於是戶延空青堦委繁綠飄飛紫簞續瑩

蒼玉月流抹而通影風觸葉以騰聲絳綠霏而月隙  
條滋露以沾庭畫舞臯中之鵲宵分席上之螢穉歎  
歎以夏隕萌差差以春榮簞紋借其綠縹華閭其  
精英閣炎氛而不下留無氣以常凝心本虛而因室  
節已固向彌貞佇鳴鳳兮宰至恨朝陽之屢升至若  
歲侵侵兮就畢景翳翳兮將晏既永霜之膠泣復霰  
雪之零亂野何芳之不鬢園何 之不袒鳥沉聲而  
無譁日歲輝而靡煥偉斯竹之特立乃益申夫娛玩  
若夫斐德贊於衛風封君姬於渭涘谿流孔李之觴  
林納山稽之履懷猷所其何殊瞻詡徑其何適將君

子之秉直諒取儷於斯卉跡雖晦向曷彰道彌隆而  
奚滓苞歆宵旌之篇筠記曲臺之禮期謚處以靜觀  
詎玩物以喪志

古詩四言

集義菴詩烏審湯王必先作

青山言言白雲披之九九松栢雨露賁之有懷二人  
永歲于茲玄扃孔幽白日圓輝我咲我言孰為我怡  
孰有三鼎而忍自肥藜藿者義歲寒則萎萎則茂矣  
孰釋予悲我廬之存羹牆庶幾嗚呼孝子字廢此詩

玄宗貴妃上馬圖



豫哉玄皇亦白其馬厥妃後之其後如雨沮漆之涯  
岐山之下云誰之思古公姜女

生意垣詩為餘姚醫者張與權作

垣之寬生意斯繁匪登登是完君子之安惟體仁之  
元垣之厚生意斯阜匪百堵是守君子之有惟存義  
之久樂哉斯垣匪仁弗全匪義弗堅于以保民之天

卷之二

丹崖集卷之二

丹崖集卷之二

會稽唐肅敬著



古詩五言

觀畫有感

初陽浴東海湛露晞南原萬象森燁煌群植生芊綿  
至人感元化動靜悟幾先夜旦同瞑眎闔闢契坤乾  
孰云宇宙大固此道體全觸物誠有感繪事何足言  
送陶元庸

有酒澆趙州無酒酌鸚鵡不逢平原君何須識黃祖  
殺姬謝愛士茲事付塵土誰能愛文章甘受嫖馬侮

丈夫氣蓋世身為知己許蒼茫風塵際肉子慨今古  
臨歧舞劍霜華凌平楚去矣江國遠相思隔津鼓

送道士

老子度函谷青牛跡浮埃惟有閑令尹能知紫氣來  
大塊請看書卷遺志孔家授之五千言玄理固不該  
翩然指流沙一去無復迴各嘗識其道廓然塵心開  
有如事太平然然登春臺真人萬物下士不能情  
道契苟未合神苦徒勞螺先生杜史孫解髮心已灰  
委保聖祖文舉英執其笑公朝餐金身並夜煉黃芽  
執鞭驅御雄飲桑信如猿值我尚臨獨探書別市首

共掃綠羅月酌我滄海杯  
忽思林屋洞芝田閑舊栽  
歸歟了吾事逍遙戲九垓

松蘿軒二章為張國賓賦

青青山上松女蘿相因依  
二物不同根尚能不相離  
而况兄與弟同根復同枝  
同根復同枝何不相因依  
青青山上松女蘿相附麗  
二物不同形尚能不相悖  
而况兄與弟同形復同氣  
同形復同氣何不相復麗

畫扇

建章初月朗太液正風微  
肅肅房櫳掩團團玉蕊窺  
高梧擁翠豔文石駐流輝  
葉密聲翻細峯多影屢移

歌姬掩越調舞女捲秦衣莫此芭蕉露愁題紈扇辭

和牛士良

咽咽銅虬水瀏瀏青瑣風掖斜觀斗轉簾疎望月空  
出門見清影循階行露叢曉此光霽景感予微耿躬  
觀國豈非願懷親方鬱忡

送人赴烏程簿

水國芳草齊瑤亭落花滿離觴駐別鑣別曲諧清管  
之君<sub>子</sub>銜新命下邑得圭瓚蜂喧土酒香雉雥麦苗短  
悵然朋儔心江月照孤館

題畫

碧暗歸雲樹青明出霧岑烟汀夕浪引春帆日浦沉  
圓石抱幽氣短莎生白陰閑懷負漁釣緬睇一紫心

題水殿辟暑圖

玉骨自無汗水殿况如秋樹陰  
辭日赫荷氣迎風柔  
思與涼俱重愁隨暑易收  
願窮歌舞力長年奉晏遊  
偕朱伯賢王叔閏過憇上人庵分韻得出字

幽堊接重郭窮冬變陽律爰從隱者徙適憇禪子室  
翩翩花雨滿冉冉佛香出止水不生瀾空林長見日  
觀習神宇澄言忘道機密由來玄度高獨愛支郎逸  
園隱為方以常賦

所性愜園田樊生真我師  
吾不如老圃取譏甘仲尼  
窈窕白龍岡四時自成畦  
中央據茅堂可以坐吟詩  
有客忽枉尋華軒駐金羈  
問我何所樂俛首不畚之  
畚之豈無言吾方抱羸疲

會上人臨流亭

長川流疊疊華構鬱翹翹  
羣飛涵綠淨洞敞納鮮爍  
遙窺衆峯碧仰睇孤雲飄  
閑簾閑簷驚俯檻見游鱗  
杜衡既春敷菱荷復夏饒  
以茲悟物理於焉解天綯  
微吟既窈窕永嘆遂逍遙  
何當狂濯纓與子頤同袍

九日用姪端示子之漳韻



文窮獸毛錐幾効班生擲病兒嗜土炭箱笥毀仍積  
二子吾追邁躡踵何役役譬之逐臭者亦有海上客  
今晨天氣佳拄笏南山色持觴勸予醉莫愁家四壁  
屋烏眩堆堆蠅玉玷白黑不如付陶然浩歌松下席

送蘇平仲

金華山水秀賢後代有之我茲識三人聯翩仕同時  
宋公坐玉堂文柄手自持王侯為之佐制作爭瑰奇  
蘇君年最下寔為國子師翱翔二老間煒然名聲馳  
前代我入京君方擁臯比休沐憇官寺共談新書詩  
我歸臥東山三年想光儀豈期復被徵遂此千里思

况我忝新命二老幸追隨聞君同僚喜躍不自知  
君忽扣

帝閤懇懇以病辭且云父母老歸養臣所宜  
皇心閤其誠俾得展乃私我獨惜其去白駒歎莫維  
王侯亦遠使膏車指西隲而我與宋公徒重離群悲  
雙谿水如玉醪酒香滿庖登堂敬上壽想見親顏怡  
君才信洞博世謀來峨眉及茲富春秋著述不可遲  
上以纂家學下為子孫貽吾儕寔望此贈別無他詞  
遊虎丘用之漳韻

馬背姑蘇臺鞭指半堂寺兩塔分通遙一徑陟高邃

爲驚風遽來大識客曾至板梯足屢危撫閣景堪致  
石誦鬼神題泉聞湛盧淬煌煌梵釋尊粲粲儒先誌  
僧定寂無言契語或興喟山光見禪心磬響激吟思  
戒歸慮勿忙紀述須次第回首陳公樓林腰日西墜

挽郭秉心

我昔居秀州友有徐一夔好爲古文事自矜少所推  
每論其鄉人屈指二三布云有善詩者郭姓字公夔  
不習時所好刻意追古詞性又好潔脩肅肅多令儀  
以茲寡交合老大未一施吾嘗識徐言所願一識之  
今年來濠上相思忘渴飢示我郭軒藁汗漫幾莫窺

清如薦玄酒雅若弦朱絲低昂運軒輊倡春諧頌虎  
前後數百篇三一八管珠璣方期托交誼朝夕相歲規  
如何暑毒攻一死竟莫羈我聞古賢士才命恒背馳  
意者天所靳此得則彼遺涯流浩湯湯荒城號狐狸  
君魂詎能安歸我東海陸生也祿不充死孰昌其詩  
嗟嗟孟貞曜愧乏昌黎碑

夜坐懷龍子高

暫別已覺久重來杳難期憶君山下屋啜茗談新詩  
君詩無今人李杜期攀陪不數常侍陰何況刺史帝  
酒酣髮衝冠燕歌激虹霓壯我江海士天馬脫羈羈

如何舍之去仗劍逐軍麾  
韞鷹十二翻傷人良苦飢  
同遊六七公諒亦同我思  
何當飛墮前共此秋月輝  
題松雪扇畫

曾巒拂青縣瀑注銀漢參差覲閭闔  
簞簞蔚林木絢漁歌滙外聞  
人影溪中見陟險思扳蘿紀行憶書翰  
塵遠地無喧景多情益戀方戀鳳鸞吟  
勿貽猿鶴怨曉發衣架坂

夜蚊不遑眠戴星辭雙垞非耳露沾裳  
頗勝日當晝詰朝過前驛飢渴誰解救  
三里拾荆薪五里覓巖溜鑽火炊道場  
一飽聊宿留也復強開顏滿目盡朋舊

南還未可期  
北行余乃又  
青天高團團  
萬方仰仁覆  
古詩七言

讀陸放翁示子詩

君不見趙家末一郎  
父子好戴雙挑冠  
雙挑一朝墜  
塞外九郎徒  
東南天鄂州  
將軍骨已朽  
前朝相秦  
後相韓奸邪  
誤主國日蹙  
六師竟不恢  
中原山陰老  
臣農師後胸  
中壯志蛟龍  
蟠但願朝廷  
付兵柄一雪  
國耻五十年  
有才無命空  
白首詩章歌  
什忠憤宣想  
其肝膽如日  
赤一飯不忘  
君父冤載觀  
示子數語意  
尚冀身後與  
圖全我於陸  
編重感激况  
今世事方難

難

題張孟兼所註謝翱西臺慟哭記後

謝翱字皋羽文丞相館客丞相既薨皋羽哭之於子陵釣臺作慟哭記余金華張子爲之

解云

宮中六更初罷鼓監田惠澤沉屋浦廬陵忠肝一斗血去作燕然山下土桐江木落秋日頽有客歌上嚴光臺石根敲斷鐵如意萬里北魂招不來西風又涸灤河水故老寥寥知有幾矧重睢陽李葉孫箋簡能裨兩朝史

過清流關呈同行者

關在滁州即宋太祖以周師擒兩唐將皇甫暉姚鳳

地之

前月與君南入關五更月出山霧寒行人畏露復畏  
虎什什伍伍伺躋攀今日與君仍北去赤日黃塵汗  
如雨息肩共憩石浮圖欲喚天風便高舉當時宋祖  
百萬兵擒暉戮鳳關險平百年戰爭幾人守空餘蔓  
草啼鼯魅關南遙遙白雲遠關北茫茫盡平坂回頭  
野燒起荒田驅車度關愁日晚

題關山圖

羊腸盤盤走青泥關門晝開與天齊行人望天天可



梯只愁損吟鷓鴣啼鷓鴣啼時車輓輓須吟復斷車  
未宿試問山靈有山來幾車安行幾車覆我腳未知  
蜀道難何物盡圖使心酸莫陸蜀道儉如此中原崎  
嶇不受復

送陳資深廣州葬親

雙飛鳳凰孤飛雛阿親在廣兒在吳海南天北萬里  
餘兒存不知親已殂故人書來心欲割天欲訴天  
莫呼空有海淚海不如請隨東流注尾閭鼉風揚舲  
若巨魚我歸葬親隸不効願植封上松柏抹外營墓  
田中結廬白頭終身讀父書

送李孟陽溫山還家行

棘人樂樂李桐氏問誰先  
瓠里子瓠里之先來  
汶水徙居會稽今幾祀  
瓠里才高人莫比  
身長八尺氣雄偉  
峨冠切雲曳單履  
辯傾儀秦兵武起  
上窮天文下地紀  
廣蒐百家獵群史  
腰間劍綬光輝熒  
誓平時歸報當宸命  
乎不遇之知己  
小試弗行竟已矣  
甌寧之山烟樹靡公  
遊佳城匪亲梓桐也  
痛哭日哀毀間關  
負母脫虎兇死雖  
朱歸生有倚爾來  
宇宙車一軌情事未  
伸疇可已  
清然別我戒行李  
桐心其哀我為  
喜二三十年兵不  
弭血流成川骨成  
壘上食烏鳶下

樓壇幾人能收獎萬里况公有桐寔良嗣死能首丘  
猶不死柳車蚤乘靈安止絮酒炙鷄我其俟

送許時用先生還山

先生正月發江潁江雪初銷花未吐先生八月還故  
山山中木落秋風寒秋風蕭蕭吹短髮歌五噫兮采  
薇蕨太白之峯千百尋峯頂高懸舊時月舊時月色  
秋更多薛荔為衣帶女蘿天門九重虎豹呵臯陶伯  
禹方賡歌

題太乙真人蓮葉舟圖

真人鍊形形已空靜如凝雲動如風忽然登天弄明

月忽入淵海。駭蛟龍。蓬萊爲舟。特戲耳。舟本無舟。那  
有水龍。驪萬斛。安如山。往往世人多溺死。真人手  
中書一編。我欲稽首請。借看書中定紀開闢前。滄海素  
田幾變遷。

上虞魏氏尚古亭

蘭風山中兩抔土。云是唐朝兄弟墓。唐朝兄弟鄭公  
孫遠。自鉅鹿來茲。所福州文學文章家。石首大夫民  
父母。短碑三尺猶可讀。剝落龜趺卧榛莽。有孫有孫  
心獨苦。耒耜松楸淚如雨。藤蔓蒼荒五百年。上世遺  
餘此其古。福祈山連下。蓋湖葦載兩石歸。吾廬正憐

斯文紀先德不但鐵畫銀鈎書賢孫有子復好德重  
作茲亭履茲石當時一作者復有碑李公文章泰公筆  
我來正值兵革餘荒村廢城孤兔跡歸然獨映馬鬣  
封喬木垂陰一草不見他家塚累累亦有圭首蟠  
蛟螭只今斷裂半為礎敲火不禁芻蕘兒

題讀碑圖

上虞曹旴善烟永五月五日迎胥君婆娑樂神巫現  
事旴竟溺危胥何神哀旴旴女年十四哭號澤畔天  
無聞旬有七日不獲父女遂痛積損其身元嘉之元  
旴厥德乎碑始勒耶郭淳褒詞贊語良不愧文也雖

死名則珍漢末中郎膏血此夜暗手摸鵝奇文戲題  
八事作隱語始以色絲終受辛曹瞞揚脩不南度何  
由拂拭毒苔痕意者碑詞摹至此二公較智諳其真  
嗚呼茲事不足道獨念娥孝明義倫至今名與日月  
久墓祠江潯垂千春陳留遺生善繪事令我感激傷  
心覓征西老姦如有鬼應愧同宗一女人

題趙仲庸所畫滾塵馬

匹馬滾塵誰所寫天水王孫最文雅王孫系來不系  
唐郭識唐人與唐馬左輔白沙白於雪四十萬頭名  
各別甌中此馬帝常騎一色紫霞名叱撥馬官似隸

王毛仲左手執劍右持鞭沙平草暖不被鞍芻豆飽  
米筋力縱翻身倒豎踣鐵蹄霧尾風驤亂不齊元是  
滇池赤龍種猶思躍浪湧春泥太平無事征戰少青  
絲絡頭可終老不似交河赴敵時夜蹴層冰僵欲倒

題雪山圖

銀河皎水勞織女夜冷機空不成杼散作人間萬玉  
塵一夜九州無春土素衣成銀鑄山嶽百鳥不飛惟  
鵲鵲天邊塵塵種白榆誰斲靈根陟巖徑封書乞借  
麻姑鵬飛到蓬丘群玉層巖倚瓊石拾瑤草下窺滄  
溟一杯小

以履趺硯壽兩山

硯本朱允

升學士所惠

歛山倚天青鬱碑天韞青瑤作山骨吳則有斧不斷  
月斲成履趺平不元非方非圓刻四闕體滑形隨膚  
理脂光寒色潤著手滑研煤泚穎芒角發玉堂老仙  
愛勝玦輒以贈予予敢忽持歸山中耀書室泚青無  
輝端紫屈龍集玄掇秋氣未聞公初度燕華闕我持  
清觴侑此物物雖未珍意莫越願公永壽與硯埒福  
如硯沼常不竭功成位高尚玄髮銅狄千年比摩拂

題畫鵝

竹葉青青蘆葉黃雙鵝短羽能文章秋田帶穗足飢



腸低飛淺啄自徜徉不知有物名鳳凰一翔千仞下  
朝陽噤噤啣啣世虞唐

題畫

春齋畫坐花落初客來示予古畫圖圖中人物誰厝  
摸衣冠似是西晉餘中床獨踞美丈夫烏紗籠髮虬  
髯鬚右手摘阮意自如左手控絃分疾徐繞床六人  
皆麗姝纖腰鬢髮長裙裾一擎羽扇立床隅一負塵  
拂髹柄朱左右二姬意態舒一垂短袂一騫襦一姬  
手中紙筆俱濡毫展幅若有需一姬執器製特殊非  
蕭非籥非笙竿紛然列侍豔且都爭妍競巧為主娛

當時士尚談清虛內是多欲不可祛公忠世許王司  
徒亦有短轅金犢車還客北園起長吁恬淡寡欲世  
豈無

送嘉興徐知事

幽幽官舍井棠陰芙蓉花開綠幕深堂前吏散堂下  
吟鴛鴦水清北君心青袍華佩今何去上林棲鸞玉  
為樹沙頭別尊寫秋露津鼓瑟瑟遠洲曙

丹崖集卷之三

會稽唐肅敬著

樂府歌行

智伯頭飲器歌

飲伯頭此伯鬼伯死寧知頭作器王盤酒滴猩猩紅  
血波倒浸泥九宮雷吼無聲電睛墜伏犀骨斷漆花  
膩老龍一吸銀海泣飲闌擲括怒髮立英鬼夜半不  
敢泣君不見君漆頭臣漆身恨君蓋臺爭諫臣

張良鐵槌歌

河南富好禮作張良能一篇示余以爲博浪

沙之事良非獨免并免客可謂能矣予則謂  
非良之能民苦秦無道豈惟良欲擊之天下  
莫不欲擊之也故有為良隱者不然果何能  
而免哉後世且疑良有蔽身之術若左道所  
謂遁者亦非也故論良故作是歌以復之

秦氏并六國收兵鑄金入金入十二臨長城等房鐵  
推何所得力士一挾五百斤博浪沙中旋風起車中  
白蛇欲鮑腥鐵槌一擊副車碎白蛇未死鬼先驚偶  
語者棄市步過六尺刑黔首誰不讐狂秦所以愛良  
與客不愛君君惟務重法法重乃不行擾鉏又起山

東兵嗚呼韓槌不殺始皇帝楚刀終斬降王嬰

二喬圖

大喬嫁孫策小喬嫁周瑜君臣政爾圖伯業胡乃受  
此雙明珠君不見軒蛇赤帝子君不見屠狗樊將軍  
君能聽諫臣能諫君秦宮婦女何足云

唐玄宗與諸王講易圖

金盃未浴兒花奴未搗鼓七寶床中一卷書不是梨  
園新樂譜岐王薛王何處數寧把君王悟君父不聞  
龍馬負圖來但驚野鹿嚼花去

棘竹三合圖

諸葛有三子三國各稱雄瑾也為虎誕為狗亮也在  
漢獨稱龍曹劉不兩立吳蜀不同風丈夫致身擇所  
從君不見兩鳥棲棘不若一鳥棲竹中

過漂母墓

昨日下午淮河船可流滾滾不見天逆風一日行千里  
黃牛黑驢牽不前今日過韓信城城邊草荒田不耕  
人傳韓信此發跡至今人留韓信名常時乞食向漂  
母母哀王孫心獨苦一朝富貴報千金不記淮陰少  
年侮我來不吊韓將軍悲歌獨吊漂母墳英雄貧賤  
少知己不在男兒在女子

蕭史弄玉吹簫圖

蕭郎吹簫住秦臺白鶴孔雀常飛來穆公有女名弄  
玉嫁得蕭郎即能鳳曲君吹作雄妾作雌一鳳一鳳來  
參差夜深雙雙騎鳳去直上青天駕雲霧河邊織女  
月嫦娥空守瓦礫投烟接不及蕭郎與弄玉朝遊崑  
崙暮賜谷三光再彫天地歌仙人乃隨鳳凰滅

孤鴻吟美夏節婦

冥鴻失其曹孤飛自嗷嗷嚴霜殺野草獵獵北風高  
豈無雲間行肅肅齊上木顧之非吾匹吾匹早已寡  
生有孤飛影死有孤飛魂孤飛竟生死嗒不入他群

征夫詞

征夫憶征婦慷慨不成悲只憶生有賊不恨死無兒

征婦詞

征婦憶征夫死生竟何如寧作戰場骨莫作降人奴

秋江曲

妾家住銀塘后浦秋葉香憶君蕩槳去江水與愁長  
西風夜泣蒹花露鴨嘴岸邊人不度冷沙如針刺烟  
素駕鴛鴦飛來鸕鷀去

龍姑祠曲大馬本道先生韻

蜃即將妃蛟挾女夜過秋潭駕秋雨東海龍君科斗



書新冊龍姑作湖主琉璃階寒翠光滑兩階舞隊齊  
排八舞聲捲海作紅雲不濕凌波紫綃襪翠螺玉漿  
手新漉神官擎出魚鱗屋齊呼萬歲壽龍姑酡顏暈  
紅眉壓綠東湖妖纏幾千年笑人如麋腥徹天昨夜  
天孤箭發絃雷燒老窟化秋烟

太清道士來鶴歌

太清仙人有騏驎駕非車轅御非轡雙轂孤頂翻十  
二乘風騎之日萬里養存玉母瑤池邊飢餐玉芝渴  
飲泉夜宿崦嵫曉虞淵八鸞九鳳相回旋自從仙人  
離碧落含愁不飲亦不啄相尋直到東海頭逢著仙

人采靈藥靈藥半綿生卧龍卧龍山色摩青空仙人  
留鶴且勿去與爾結冠高高松天上人間終堪住天  
上由来乏官府采及山中卧白雲間看霓裳羽衣舞

韓山人種蔬歌

卧龍吐麓子所家高低山逕紫巴蛇兩邊開畦直復  
斜山蔬手種十畝餘土膏融春出雨芽翠捲綠蠟頰  
舒霞露滋日照天時嘉紛披蒟醬遍適遘采掇美意  
根葉花朝盤夕烹其齒頰我嘗過之興歎嗟先生此  
味誠莫加洙門一食方丈賒包羔脯鹿脯鴈鴛八珍  
九鼎爭相誇若盈庖廚出滿車富隆貴溢罹禍置昨

為鴻鵠今蟲沙何如山人遠紛華首肯堆盤羹瓠瓜  
五味冲澹無疵瑕嚙道本食德飽先生此樂樂未  
涯我歌子聽客勿譁

縉雲歸隱圖歌送陳魯山

高堂雪壁雲模糊排君縉雲歸隱圖縉雲之山古僊  
都千朵萬朵青芙蓉側闥軒皇此云俱小臣白日攀  
龍胡至今瑤草甘露腴食之百歲顏如朱陳侯千年  
戎馬助腰間厭滯黃金符侯封廟食為乎不如還  
山尋舊廬玉月林石道羊腸紆上有農農哀損呼陳侯  
是時騎蹇驢卓鞭微吟落日孤山中之人夷皓夜聞

侯應咲娛丹泉釀酒香拍壺玉拋如瓜味如酥  
陶然一醉千日餘侯不歸來寔侯愚

關山曲

上關如上下天下關如下井井深須吟哀天高鳥飛迥  
下關復上關人去復人還如何千百年不見一人關

四明山人採藥歌

天台四萬八千丈四明山高殊可做天窓面面開玲  
瓏只比空青低一掌山多藥草如蒿萊種種都是神  
仙哉神仙哉藥不自服要與下士扶衰頽山中有  
有仙骨如山求仙得仙術九莖靈菌露中收五粒松

脂雲裏覓山人記藥不記名此病此藥通神明直須  
鍛鍊金鼎熟世人無病身長生身長生駕鸞鳳來往  
丹山赤水間四明即是蓬萊洞

季子掛劍冢和黃子雍韻

季子讓一國視之敵屢然寧當寶一劍不為徐君捐  
徐君雖亡骨未朽劍掛墳前向楊柳君知知不足  
悲我心許君終不移

竹枝歌二首寄友

江上青青楊柳長柳上鶯啼客斷腸鶯聲恰如君唱  
曲柳色更似君衣裳

江頭買得一尾魚，割魚不見君。寄書二十六鱗如錦字，一雙眼比夜明珠。

聯句

丁未九月二十有二日肅始生之辰時寓南京會飲林公慶孟善所<sub>在</sub>會者陳世昌房博徐一夔大車張覺翔南斗諒士良後至者朱升允升相與聯句得三十韻

霜降後一日我適初度辰思親隔千里

肅

會友成七

人脫畧羈旅悲一變

變

邂逅骨肉親

文米王在瓌

公慶

謀懷永絕座佳端徵夢驚

諒

諒

齡期紱麟頤稱

壽

君

壽翼更數甲子旬綠鬢不知老世昌朱顏屢鵲春覽

鏡愧勛業

肅

補衣思經綸詞場舊得雋公慶王國今

來賓視孤遂初志

諒

拖玉期此身美符椿八千翼義

重鼎萬鈞且持紫霞括薦此銀絲等揜香羌八跪肅

看旅雁無珍紅皺寔纂纂青纖縷續續未釘處葱

孫

翼

行暨送蔓辛徹俎有餘懌

允升

揮儕等倫雕鐫

出肝腎

世昌

叩囁搖吻唇沉思重抽緒應接鼓和鐸

驪珠耀白日

一變

虹劍衝青旻官雲搜杜郊愈翼大敵

當晉秦磨勦各有待

世昌

唱野亦相因重塵同袍愛

肅

少慰頌

孟新

歸想占鵲

公慶

御袷憂懸鵲心持

履霜戒諒學謫遷墓鄰未忘炊羹夢更何暇問組紃  
咸池曉曙髮公瘦鑑水垂秋緡歸田井野服滿趨召  
宜朝紳重來路彌熟世昌後會情益真明年值茲旦  
升共記龍河濱諒

欲雪聯句

落木彌千嶂重雲幕四郊野寒風未息肅江汜水全  
交滕六忻催鳥馬賈蜚應怒拂清窮陰蟠地軸九升  
急籟奏仙匏擬鉸天演練爾將搜月杵膠棟鳴蹲若  
待員街大喜爭跑玉並期先放九升綃綉候夜拋巧  
思裁六出肅重憶歷千梢訪戴九升尋掉九升檣吳已



穀猶思營梁客賦讀言畏兜姬朝地有遺煌懼肅天

無綴鵲高坎深終見滿堆聚之成包霰漸鳴侵箔九

升烟多濕庖拈腸須沃酒肅禁齒不勝看火盡僧

顛縮員囊空僕喙嗽讀灞橋袍預襲王簾馬銓頻敲

鼎為團茶滌柯理詩愁凍筆筆鈔僵眠方自傲肅罷獵

竟誰教竹佇翻銀鳳魚松占偃素蛟晚來應可俟員

虛白映書巢

律詩五言

送施彥昭循宗廟雅器  
元初乃祖是造之

世祖開基日先臣應詔時后夔聞搏拊威鳳見來儀

帝格南郊享神頒太廟釐于今  
碩曠典家業汝能追宿真慶庵  
得心字韻

落日古城陰蕭蕭竹樹深  
雨花知佛境流水識禪心  
月到繡經榻苔綠掛壁琴  
不因支許舊那得遂幽尋  
送黃生從軍

羽箭風含鏃雕旗露拂竿  
分藩知將勇選士屬才難  
著為籌邊借碑因紀績  
刊少年相贈意別把劒花看  
吳中送僧

師向何方去太湖西復西  
風傳孤磬遠松偃舊房低  
暖榻長留兎浮栢不駭犀  
何時城址寺重聽木鷄啼

中秋宴集得離字

客來江郭暝繫馬樹陰移月到水邊  
早鍾傳竹外遲急觴愁斷曲殘燭  
厭催詩何事邛州客悲歌怨別離  
將之嘉興留別姪蘇諸友得君字

芳草綠成雲離筵此共分苑臺春騎過水柵  
畫笳聞欲去省成戀多愁易得醺  
長歌短歌意何以荅諸君  
送人之淮安知事

千里淮安郡參謀得爾賢  
喜看新日月去歷舊山川  
翠落綠邊柳紅收舉燧烟  
白頭遺老在猶望太平年  
蔡洞仲散木菴歸來圖

虎觀紬書罷龍江返棹初白金君賜重黃髮宦情疎  
浩蕩芝山色蕭條散木石春田猶及種歸理白雲鉏

雲林讀書圖

非緣輕世俗元自絕塵埃林屋不無潤風床書半開  
琴聲常喚鷓鴣展齒不傷苔長日哦詩罷山雲當客來

中秋扣龍子高二首

白白初懸月青青不盡天乍經銀漢外又滿碧窓前  
鍾阜思歸夜淮城生謫年曾揮兩行泪愁對一輪懸  
陽鳥霜前數陰蛩雨後聞人方驚變節月故照離群  
影之偏宜水光多不受雲秋宵九十度還向歲中分

登蜀阜寺閣

同登梵閣探靈巖，問得圖山色。元來蜀江聲，直到吳  
風簷鈴半落，雨歸盡。金無萬法，俱空寂。何煩起嘆吁。  
劉松年仙居圖

曾逐太茅君，峯頭卧青雲。鳥青呼作使，鶴白養成群。  
客較丹砂法，童竊玉函文。近來烟火斷，花氣作爐薰。  
送明上人遊吳台

嵐翠濕繁裝，春寒凋未花。峯尖認華頂，鳥語譯頻伽。  
葉落常眠虎，瓜香不喫蛇。遙知齋鉢裏，仙女借胡麻。

趙平山小景

清遊不知倦危坐禪忘還兀兀歌沙石離離隔浦山  
思將雲共遠心與水俱閑張望丹青裏高風貌可攀  
劉阮天台圖

花發錦成川山深別有天偶因尋藥草不道遇神仙  
挂殿鸞寒幄羅房虎奏絃之應無色界曾有拂衣緣  
題怱上人所藏顧雲屋畫

列嶂挿青天孤龕礙白烟意雲巖面起觀月樹頭懸  
花落聽經石藤侵卓錫泉苔行跡少知有幾僧禪  
奉贈秦待儀

紫禁凌宵闕彤閣拂曙張鳳鳴知藥奏霧繞識爐香

庭列藩芳貢函收諫議章  
美人當此際鵲立在明光  
送人之括蒼

寒日影孤蒲高帆欲掛初  
未空歌時酒齊駐別時車  
塞鴻愁驚夢江鱗約寄書  
雲三百里此去惜離居  
次韻張藻仲從軍

殺氣與雲平南征更北征  
塞旗朝陷陳飛騎夜追兵  
青認烽烟熟紅看戰血生  
車連魚道舟下石頭城  
露布轅門曙銑歌朔雨晴  
還將忠義骨博取鼎彝名

送白以中之抗得人事

秋波漲白蘋。鳴鼓隔離津。嫋嫋歌殘曲，依依欲去人。  
雨聲帆席細，涼氣亭衣新。潮近中秋壯，山於故國隣。  
情深憐別數，路便喜書頻。夢裏如相見，吟身即病身。

錢鈞羽畫

結構倚崔嵬，廊腰勢漫迴。雲將銀浪湧，山作翠蓮開。  
徑小無車入，庭空有鳥來。筆床風墜葉，書閣雨生苔。  
蘭佩誰同擷，荷衣祇自裁。三區揚子宅，百尺野王堆。  
帳鶴元無怨，沙鷗莫浪猜。此中隣可卜，吾亦謝喧豗。

顧雲石屋畫

江際石林秋。閑來伴客遊。獸酋鋪接膝，鳩杖倚過頭。



峯對千重色潮聽一派流  
話多論隱趣身不近閑愁  
縹緲雲生瀨叅差樹隱洲  
無端破幽闥飛去一雙鷗

小桃源為海昌朱氏賦

地蹢小桃源年多聚族繁  
荒茅先代屋喬木故家園  
不許溪漁入常隨野鹿奔  
雲深縣似幕山匝翠成屯  
藥氣烟中白醅香石上尊  
吟時鷗引棹行處犢勝轅  
秩秩惟存古幽幽不受喧  
吾廬能此卜白首更何言

得之淳書十一

忽遍阿戎書書中頗慰景  
帝雖焚列肆吾幸得亮廬  
昨在中辰夜時當丑刻初  
珥橋傳失火南巷駭遷居

烈響轟雷比突威走電如不須陽燧致似見燭龍嘘  
無復存樓閣那能球里閣問誰先廐馬殃已及池魚  
立見連蹏毀寧辭一室虛瘦妻愁負篋癡女泣牽裾  
架卷垂籤軸瓶移腕粟儲墮煤將費金帶土荷園鋤  
黃耳隣童引烏圓老婢驅蒼皇心總怯奔走計非疎  
力藉諸生助恩蒙造物餘樂已俄嘆酒焚惑竟回車  
所幸茅茨竟能存瓦礫墟何時歸訊汝此日正憐渠  
得喪皆天也榮枯豈智歟客窓磨凍硯賦述敢徐徐

丹崖集卷之四



會稽唐肅敬著

律詩七言

贈揚睦州

中宵玉殿決蒼龜一旦摧奸失鳳池拂袖歸來非辟  
穀剖符重出為庄時力平蚤已寧西蜀夔遂初能鎮  
北陲安得數公如結輩國家端可寄安危

錢唐書事

鬼馬蕭蕭踏暮雲花奴啼殺故將軍雕弓不返腰間  
鼓玉貌空歸馬上裙報國有愁轉耿耿馭兵無律竟

紛紛關西太尉非華胄誰撰麒麟石上文

登飛來山

東武何年一臂分巋然不與眾峯群塔高可摘星辰  
影碑古猶存篆籀文天女散花風裏過海鰻 井夜  
深聞更須絕頂舒長嘯立作湯山五色雲

天喻行可

幾人同薦復同鄉忍哭 卽又喻卽白玉有樓須製  
作黃金無擣搗文章草荒環堵軒前雨挂隕嘉禾郭  
裏霜從此故都歸未得不堪聞笛恨山陽

抵底州

春雨春潮撼客懷  
舟中十日九陰霾  
江名天塹元通蜀  
地入瓜州始接淮  
我懷銀括能羽化  
君看寶劍或塵埋  
明朝又過揚州去  
無復瓊花舊觀牌

宿揚州

此城端合號蕪城  
千古繁華幾戰爭  
無復珠簾開十里  
空餘寒月照三更  
舟行白擢勝騎鶴  
酒熟金盤想吸鯨  
一夜蓬窗增感慨  
夢魂何處玉簫聲

過高郵

順風今日送揚烏  
歎息秦淮舊戰圖  
城郭破來空睥睨  
樓臺毀盡只浮屠  
露筋廟老蒼苔深  
草明月湖沉夜

半珠欲覓太虛遺像拜官程不許滯脩途  
至盱眙和張士行先主韻

楚州過盡盱眙近駭浪顛風晝夜聞只記官舡行一  
月不知春色去三分青蓮漂母祠前草紅見僧伽塔  
頂雲回首江南三千里夢盡誰爲灑先墳

自濠至升道中

二月西遷六月還敢辭赤日共躋攀未離濠上頻登  
阪纔入滁州盡是山細路行聽車軸聲深林坐愛鳥  
聲閑可憐無恨思親意都在登高一望間

鏡湖圖

自憐一曲有心期不用黃冠詣闕辭  
舟近香爐峰下泊馬從酒甕石邊  
騎春雲竹護方干島霜樹鴉啼漢  
守祠面面屏風開水墨輞川今日  
屬王維

鍾道像

一片忠魂不可招夢中有勅賜官  
袍生雖不食千鍾粟死亦常為萬  
國豪手摩山變朝滅氣吞國厲夜  
無嗔曾携小妹騎雙鹿醉著接離  
秋月高

一山桃花源圖

犬鷄人物總秦餘千樹桃花護隱  
居不識三章新約法猶藏萬卷未  
燒書永通烟磎才客棹山暖晴品  
可

命車不似阿房三百里，基久一火便成墟。

讀唐人詩作

一過鈔詩百過吟，分明窺見古人心。  
八蠶結作吳王璽，五石燒成漢武金。  
廣樂定應同韻美，尾閭祇合比情深。  
英魂地下如堪酌，千載憐予屬賞音。

偕白虛室及子之漳，泛月湖門有懷吳興張進士。

放舟落日任西東，漠漠湖波淡淡風。  
月色漸多菱葉上，鷗群或起蔣茅中。  
玉壺春酒無聲瀉，銀漢秋槎有路通。  
却話舊遊成感慨，故人遙隔水西宮。



扣禽虛室別後見寄

喜同溪上狎鷗群，行看山光坐看雲。  
棋拂露枰松下著，藥敲烟碓竹間聞。  
飛觴酒許從頭換，險韻詩教隔手分。  
爭遣別來相憶甚，正如前日未逢君。

甌社湖次陳敬初先生韻

千里滄波一棹通，此行端喜得群公。  
颼風五雨今如意，換柁篙師敢論功。  
夜後神珠還出蚌，春深宿藋尚留鴻。  
倚灘晚飯漁歌起，彷彿湖山似越中。

宿沈文舉宅次樊孟學韻

路繞淮流燕尾分，歸人搔處暝烟昏。  
鼓笳城堞青紅

布燈火人家遠近村釀摘酒從巴客買燒丹書共寫  
公論憐君此夜懷君切喜得吟箋附旅魂

絕句七言

經孫處士墓二首

鼓子花開馬鬣春永安湖上三沽巾鄉人知有先生  
墓幾箇青松不敢新

雲為水斂月為環深夜誰看鶴馭還小碣如人封上  
立三弄苔蘚一身斑

陶穀郵亭圖

紫鳳檀槽綠髮娼玉堂見慣可尋常作歌未必腸能

斷明日聽歌更斷腸

寄王萊山先生

五湖秋水客思歸  
麋鹿臺前露滿衣  
夢想石帆東海上  
滿山都是首陽薇

送陳資深廣州葬親

十年亂後廣州歸  
莫恨雙親得葬遲  
多少赫連臺下骨  
却無冢上泣孤兒

寄越中三姪洵治

時姪端及之  
澤同留吳

卿夢醒來鬢易衰  
華太湖草色鏡湖花  
東西相隔憐諸子  
羯末封胡本一家

題畫馬三首

曾充天廐浴天池太僕尋常不敢騎金粟堆荒松柏  
老鳳頭猶絡舊青絲

四十萬中新選得拳毛一色鬻金黃在前正立教牽  
過不賜岐王定薛王

金池春水勝湯泉浴罷雙龍乍施鞭明日君王獵西  
苑勅教都被紫駝羈

題畫十首

東洛洲邊憶繫船江波江樹夢相牽  
庄廬七十二峯碧雲氣時時不露全

野叟溪郎語咲聞松邊畧杓水邊門萬山青青一遙  
白彷彿正是桃花源

潮落潮生春度秋離離烟樹不知愁片帆輕似沙頭  
鷺飛過滄江第幾洲

溪風吹冷芰荷衣一葉船頭坐未歸貪讀陶朱養魚  
訣不知流過綠苔磯

射的峯尖鷓鴣啼秋若耶溪水帶花流朝南暮北風常  
在送却樵舟送客舟

蒲稗陰濃桑柘疎分明畫出輞川漁林泉也愛能詩  
者不是王維不敢居

新晴何處覓新詩  
雲白山青段段奇  
三日雨添溪水  
響獨於橋上立多時

重重樓閣出青林  
下視黃塵十丈深  
獨羨詩人行到處  
萬山雲氣一囊琴

春城浪飲欲忘還  
興在青林白石間  
一片閑雲飛盡處  
天教雲出隔江山

山裏白雲如白衣  
樓臺樹木總依稀  
小舟擲在溪頭石  
知有采苓人未歸

揚雲林畫鴈

蘋葉無踪葦葉低  
湖波撼碎白玻璃  
鴈行不柰秋風

逆一半參差一半齊

度江示徐幼文

同載南冠學楚吟  
江波不比客愁深  
可憐浦子灣頭月  
不照離人一寸心

客中聞砧

無夜思家不泪流  
可堪衣薄又逢秋  
砧聲處處多曾聽  
不似今番聽更愁

梁山磯和幼文

詩統飢腸詠未成  
且尋荒磯覓泉聲  
青山與我偏多意  
才送南行又北行

鄭山輝畫蘭

親見先生不筆時綠坡委谷其分披前身合是江潭  
客萬葉千花盡楚辭

毛元升畫薔薇

色是昭陽第一金綏金不薄不勝春毛生能畫非延  
壽不得黃金也逼真

寒江獨釣圖

非為投竿為好竒江寒凍折釣翁髭此緣知雪壓蓬窓  
曉不載魚歸只載詩

畫衣



吮筆青蒲有詔催內園今日進瓜來如何二月能如  
許為向溫泉近處栽

拚鴛便面

新垂柳葉不禁吹鴛語如歌出鳳池閭闔門西朝退  
日曾於馬上聽多時

張雲門雨竹

龍駕飛來帝子雙春雲漠漠暗湘江江神啓路罪靈  
雨濕透前頭翡翠幢

雲林古木

石上清陰走怒螭一身都著薜蘿衣若為借得靈槎

生去訪銀河織女機

題宮人圖三首

凝思立近井邊梧長日不開金鎖魚和得君王新製  
曲傳宣已喚女尚書

不是含愁不是思監宮引出赴朝時回頭興慶池邊  
路昨日花開夜合枝

洗花深線刺春羅鳳翼雙飛錦作窠暫起非關針力  
倦海棠時節困偏多

仙山樓觀圖

玉女盆邊曉洗頭風吹珠樹冷颼颼雲間聽得金梭

響知是天孫織未休

見亡女嬉具有感二首

從前愛汝勝於兒別後那知隔死生今日歸來見遺物耳邊猶自有啼聲

我出閨時牽我衣丁寧好買石蓮歸石蓮買得無人喫空有苦心和淚揮

寄白以中兼簡李士雲

一日一書如一見可堪幾日沒書來裁詩縱得無人寄何況愁多不易裁

濠上清明

年年寒食最愁人只見松楸不見親誰料今年愁更切松楸猶隔萬山春

得之潭書

不見書來愁不休得書誰道更添愁來人爲說封緘處兒淚還如父淚流

題倪元鎮墨竹

薊丘去後說丹青不及雲林似澹遊四海詩名今白髮獨於畫裏識風流

題柯敬仲石竹

緼真齊裏揮毫日多得青城太史題今日南州把酒

墨石簞秋冷蟋蟀啼

為陸德辰題家譜

陶山出暗楚公碑劍外人傳少傳詩四十九枝誰可  
識問君猶是侍郎枝

宋授之畫扇三首

宋授授之錢唐人予同舉進士也國初以  
考禮召偕留南京既而授官知全州未及  
仕旅死於塗授之通易於史學尤邃平生介  
特寡合又不娶無嗣可悲也予方欲從其猶  
子考宋家世之詩為小傳念其同郡白以中

出授之行盡便面觀感之餘因為二絕句以

寫示來云

六十無成白髮髭俄將紫綬換青衫  
衡潭一去無消息累骨歸來有阿咸

十一年前共揚名又同

召命入南京只今零落丹青扇正似山陽笛裏聲

宿淮上陸振文寓所懷姑蘇舊交二首

徐即詩句

兵周即畫後道人母向君家壁上看十載

交遊零落盡錦帆涇斷莫雲寒

三人共讀人悲藻仲獨上青天跨尾箕猷憤正

憐楊德祖誰知伯道竟無兒

薄仲乃希尹之子也

絕句六言

題自畫梧石

縹緲未央闌角淒清長信宮  
門人起轆轤聲裏月在梧桐石根

題畫九首

烟艸一翁垂釣霜橋兩客携  
琴千重萬重山色十里五里松陰

芙蓉峰頭雲氣桃花源裏人  
家好著青鞋布襪來尋石髓胡麻

東崦樹連西崦北溪水漲南溪不管白雲流出只愁  
樵逕都迷

杉挂陰東樓閣烟波淺處汀洲試過竹橋茅屋未分  
石茗甕甌

穀水染成鴨綠髻峰堆起螺青散子魚跳行穴把竿  
人唱蕪汀

十峰九峰髻髻千樹萬樹笙鍾憶上雲梯石觀俯見  
青天白龍

樹色不隨雲白山光似接天青但見長鏡小艇何妨  
田舍漁汀



百重樹濕飛瀑千朵峯  
盤翠霞落日吟翁驢背輕烟  
漁市人家

突兀半山樓觀依稀遠  
澗行入松雨晝翻孤亡竹風  
秋滿吟巾

絕句五言

為徐大年題歸隱圖

出山廣塵多入山白雲滿  
平生八尺身蕭蕭白雲短

畫雉

萬里越裳國珍禽來獻初  
不知周太保方作旅獒書

畫水仙

萬騎南巡日三妃掩涕時九疑雲不斷何處見龍旗  
千里小景

烟洒銀塘竹風柔碧岸蒹葭禽不飛去春水與愁多  
題淵明荷鉏圖

荒連日自理手中鋤三尺鋤何當去非種得似漢朱虛  
秋鴈

柳上一黃鸝枝枝影不迷無言更多意人苦愛春啼  
曾和簫韶曲春風正苑中秋聲不須發讓與北來鴻  
觀燕肅畫得題四首

瑤臺倚中天翠幃拂暈斗疑是仙山居玲瓏見窓牖

雲殿覆嵒屋風幡出林薄似聞齊磬音山禪定初覺  
活活溪泉語蕭蕭谷吹繁遙憐負索子日瞑未投村  
烟奈隔浦微漁屋依梁小應恐到家遲歸舟疾如鳥

王山農畫梅二首

春回却有觀樹樹總花開無數瑤臺鶴凌風欲下來  
溪上雪消初溪水未動漁一枝寒日裏照見影踈踈  
憶上寶玦船西湖欲雪天一枝歌岸出低照酒尊前  
柯敬仲畫竹二首

琅玕舊我處延閣他生路莫把吳鹽洒羊車不復來  
奎章晚書處寫竹似湖州今日江南看蕭蕭故國秋

登西五月九日偕白虛室及字之溥自瓜田泛  
舟登集善寺閣觀濯錦江取杜詩長夏江村事  
事幽句為韻人賦七首

其三

江干一廢寺歲久已無廊惟有雨華地過人春草長

其二

閣危猶可登江光近相射日午潮風來蕭蕭不知夏

其一

山從西蜀至孤髻翠無雙至今山下水人說似巴江

其四

其五

老僧松下禪自言長不寐心似佛前燈空明了無事

其六

沙邊白鷺鷥飛高復飛墜頂上髮垂銀不知憂底事

其七

昨日黃塵陌今朝綠荇洲不緣尋隱客那識此中幽

丹崖集卷之四